


隋煬帝

楊廣

一



隋煬帝集題辭



隋煬帝在藩武足勘亂文足
擄暉令終守磐石不當是令
王耶迨夫量盈鼯鼠位極亢
龍憑混一之基聘輶張之勢
鞭笞叱彼電霆動搖遍於岳

瀆雲鈴組甲旣黷外夷秘宇
行宮仍奢內嬖殿已多脚樓
亦自迷誰是流盼之咄嗟卽
是萬方之彫耗卒使烽埋塞
外刃起帳中穆滿之七萃不
歸羸亥之二世頓盡彼方嘆
何如漢天子空上單于臺詎
意頭顱至此哉大抵聰明慧
巧矯轡用之儘堪馳陌越阡
弛轡隨之便是墜阮落塹然
而文筆尚傳非關社滅言泉
猶湧未宜人廢也若夫總持

等篇雅深佞佛東海二札間
托求仙亦或情興之偶鍾非
其攬摭之獨注望江南及贈
張麗華諸曲容出後人添入
聊并存之

壬戌清和月張爨書於邗溝
道中



歌中

南陽帝集目錄

明海濱逸史張燮紹和纂

卷之一

樂府

飲馬長城窟行示從征羣臣

白馬篇

步虛詞二首

春江花月夜二首

諸葛穎春江花月夜附

錦石擣流黃二首

喜春遊歌二首

江都宮樂歌

泛龍舟

四時白紵歌二首

東宮春

江都夏

虞茂奉和四時白紵歌二首附

江都夏

長安秋

紀遼東二首

王胄紀遼東二首附

詩

冬至乾陽殿受朝

牛弘奉和冬至乾陽殿受朝應詔附

許善心奉和冬至乾陽殿受朝應詔

附

雲中受突厥主朝宴席賦

宴東堂

賜史祥

賜牛弘

賜諸葛穎

早渡淮

虞世南奉和出潁至淮應令附

蔡允恭奉和出潁至淮應令附

諸葛穎奉和出潁至淮應令附

弘執恭奉和出潁至淮應令附

臨渭源

薛道衡奉和臨渭源應詔附

還京師

許善心奉和還京師附

捨舟登陸示慧日道場玉清玄壇德衆

謁方山靈巖寺

諸葛穎奉和方山靈巖寺應教附

月夜觀星

虞世南奉和月夜觀星應令附

蕭琮奉和月夜觀星附

袁慶奉和月夜觀星附

諸葛穎奉和月夜觀星附

季秋觀海

望海

虞茂奉和望海附

詠鷹

獻歲宴官臣

虞世南奉和獻歲讌官臣附

正月十五日于通衢建燈夜升南樓

諸葛穎奉和通衢建燈應教附

晚春

悲秋

王胄奉和悲秋應令附

冬夜

夏日臨江

北鄉古松樹

賜守宮女

持檝篇賜吳絳仙

贈張麗華

憶韓俊娥二首

幸江都作

嘲羅羅

鳳船歌

迷樓歌

迷樓宮人歌附

效劉孝綽禱禱憶詩二首

望江南

八闕

卷之二

詔

營東京詔

立七廟詔

修高廟樂詔

為先代立後詔

為孔子立後詔

為前代帝王守陵墓詔

為昔賢立祠詔

功臣襲封詔

勲官不得回授職事詔

舉賢詔

勵經術詔

巡省風俗詔

尚齒詔

緝民詔

恤行役詔

達幽枉詔

寬連坐詔

改博陵為高陽郡詔

埋祭死亡軍士詔

卷之三

詔

親征高麗詔

再伐高麗詔

勞楊素手詔

楊素謝表附

爲楊素立碑詔

手詔史詳

褒樊子蓋詔

詔樊子蓋

又褒樊子蓋詔

加蘇威開府儀同三司詔

以衛玄爲光祿大夫詔

贈劉方上柱國盧國公詔

贈豆盧毓大將軍詔

改封豆盧毓雍丘侯詔

追贈獨孤隨詔

又

責蘇威詔

徙衛王集滕王綸詔

優突厥詔

答議突厥改服詔

賜啓民位侯王上詔

與高昌國王詔

卷之四

勅

答齊王勅

與柳謩之勅

勅度四十九人法名

衆謝啓附

行道度人天下勅

璽書

降來護兒璽書

答突厥啓民璽書

啓民上表附

檄

遺陳尚書江總檄

令

與天台山衆令

天台山衆謝啓附

重令

天台山衆謝啓附

卷之五

書

遺史祥書

史祥答太子書附

遺延智顓書

治禪衆寺答智顓書

法諱奉智者書

叅智者書

請留智者書

重留智者書

許智者行書

謝法門書

遣使往匡山叅書

重遣匡山叅書

答智顓述匡山寺書

智顓述匡山寺書附

與匡山三寺書

與峰頂寺書

與禪閣寺書

入朝遣使叅書六首

遣使荊州迎書

遣使潭州迎書

卷之六

書

在京遣書

在京重遣書

從駕車岱於路遣書

於路次書

還藩遣迎書

謝天冠并請淨名義書

智顛答讓請義書附

重與智者請義書

謝義疏書

論荊州諸寺書

智顛復晉王書附

重答智者書

與荊州總管達奚儒書

迎智者入城礙雨移日書

次迎入城書

答智顛蔣州事書

智顛與晉王述蔣州僧書附

卷之七

書

遣使入天台參書

遣使入天台迎書

遣使參病書

答智顛遺旨書

智顛遺書與晉王附

智顛終後弔山眾書

天台山眾謝啟附

遣使入天台設周忌書

天台山眾謝功德啟附

賜釋慧覺書

請釋灌頂書

召徐則書

徐則沒後下書

卷之八

文

寶臺經藏願文

誄

秦孝王誄

疏

受菩薩戒疏

天台建功德發願疏

敬靈龕疏

設齋願疏

附錄

隋煬帝本紀略

唐魏徵

江都集禮序

隋潘徽

大鳥銘

隋虞綽

上皇太子啓三首

隋劉焯

隋煬帝集
目錄
一
答晉王施物書

隋釋智顛

答晉王度人出家書

隋釋智顛

奉和賜舖

隋王 胄

奉和幸江都應詔

隋虞世基

奉和幸江都應詔

隋虞世南

遺事

集評

隋煬帝集卷之一

隋煬帝楊廣著

樂府

飲馬長城窟行示從征羣臣

以下
五言

蕭蕭秋風起悠悠行萬里萬里何所行橫漠築
長城豈台小子智先聖之所營樹茲萬世策安
此億兆生詎敢憚焦思高枕於上京兩河秉武
節千里捲戎旌山川互出沒原野窮超忽縱金
止行陣鳴鼓興士卒千乘萬騎動飲馬長城窟

秋昏塞外雲霧暗關山月緣巖驛馬上乘空煙
火發借問長城候單于入朝謁濁氣靜天山晨
光照高闕釋兵仍振旅要荒事方舉飲至告言
旋功歸清廟前

白馬篇

文苑英華作場帝樂府作孔稚圭按詩中
多叙征遼之事當以英華爲正稚圭別有
二篇

白馬金貝裝橫行遼水傍問是誰家子宿衛羽
林郎文犀六屬鎧寶劍七星光山虛弓響徹地
迴角聲長宛河推勇氣隴蜀擅威強輪臺又降
虜高闕翦名王射熊入飛觀校獵下長揚英名
欺衛霍智策茂平良島夷時失禮卉服犯邊疆
徵兵集薊北輕騎出漁陽進軍隨日暈挑戰逐
星芒陣移龍勢動營開虎翼張衝冠入死地攘
臂越金湯塵飛戰鼓急風交征旆揚轉鬪平華
地追奔掃鬼方本持身許國况復武功彰會令
千載後流譽滿旂常

步虛詞二首

洞府疑玄液靈山體自然俯臨滄海島回出大
羅天八行分寶樹十丈散芳蓮懸居燭日月天
步役風煙躡記書金簡乘空誦玉篇冠法二儀
立珮帶五星連瓊軒觶甘露瑜井挹膏泉南巢
息雲馬東海戲桑田回旗遊八極飛輪入九玄
高蹈虛無外天地乃齊年
總轡行無極相推凌太虛翠霞承鳳輦碧霧翼
龍輿輕舉金臺上高會玉林墟朝遊度圓海夕
宴下方諸

春江花月夜二首

晉書樂志曰春江花月夜玉樹後庭花并
陳後主所作後主常與宮中女學士及朝
臣相和爲詩太常令何胥又善
文詠採其尤豔麗者以爲此曲

暮江平不動春花滿正開流波將月去潮水帶

玉臺
作共星來

夜露含花氣春潭瀆月暉漢水逢遊女湘川值
兩妃

諸葛穎春江花月夜附

張帆渡柳浦結纜隱梅洲月色含江樹花影

覆船樓

錦石擣流黃二首

漢使出燕然愁閨夜不眠易製殘燈下鳴砧秋
月前

今夜長城下雲昏月應暗誰見倡樓前心悲不
成捺

喜春遊歌二首

禁苑百花新佳期遊上春輕身趙皇后歌曲李
夫人

步緩知無力臉曼動餘嬌錦袖淮南舞寶袿楚

宮腰

江都官樂歌

以下
七言

揚州舊處可淹留臺榭高明復好遊風亭芳樹
迎早夏長臯麥隴送餘秋淥潭桂檝浮青雀果
下金鞍躍紫騮絲觴素蟻流霞飲長袖清歌樂

戲州

泛龍舟

唐書樂志曰泛龍舟
隋煬帝江都宮作

船艫千里泛歸舟言旋舊鎮下揚州借問揚州
在何處淮南江北海西頭六轡聊停御百丈暫
罷開山歌棹謳詎似江東掌間地獨自稱言鑑
裏遊

四時白紵歌二首

東宮春

洛陽城邊朝日暉天淵池前春燕歸含露桃花
開未飛臨風楊柳自依依小苑花紅洛水綠清
歌宛轉繁絃促長袖逶迤動珠玉千年萬歲陽

梁曲

江都夏

黃梅雨細麥秋輕楓樹蕭蕭江水平飛樓綺觀
軒若驚花簾羅幃當夜清菱潭落日雙鳧舫綠
水紅粧兩搖漾還似扶桑碧海上誰一作肯空
歌採蓮唱

虞茂奉和四時白紵歌二首附

江都夏

長洲茂苑朝夕池映日含風結細漪坐當伏

檻紅蓮披雕軒洞戶青蘋吹輕幌芳煙鬱金
馥綺簷花簞桃李枝蘭茗翡翠但相逐桂樹
鴛鴦恒並宿

長安秋

露寒臺前曉露清昆明池水秋色明搖環動
珮出層城鷓絃鳳管奏新聲上林蒲桃合纒
縹甘泉奇樹上蔥青玉人當歌理清曲婕妤
恩情斷還續

紀遼東二首

謀言

隋書曰大業八年煬帝伐高麗度遼水大戰於東岸擊賊破之進圍遼東

遼東海北翦長鯨風雲萬里清方當銷鋒散馬
牛旋師宴鎬京前歌後舞振軍威飲至解戎衣
判不徒行萬里去空道五原歸
秉旄仗節定遼東俘馘變夷風清歌凱捷九都
水歸宴雒陽宮策功行賞不淹留全軍藉智謀
詎似南宮複道上先封雍齒侯

王胄紀遼東二首附

遼東沮水事龔行俯拾信神兵欲知振旅旋

歸樂爲聽凱歌聲十乘元戎纔渡遼扶滅已
冰消詎似百萬臨江水按轡空迴鑣
天威電邁舉朝鮮信次卽言旋還笑魏家司
馬懿迢迢用一年鳴鑿詔蹕發滄潼合爵及
疇庸何必豐沛多相識比屋降堯封

詩

冬至乾陽殿受朝

北陸玄冬盛南至畧漏長端拱朝萬國守文繼
百王至德慙日用治道愧時康新邑建嵩岳雙
闕臨洛陽圭景正八表道路均四方碧空霜華
淨朱庭皎日光纓珮旣濟濟鐘鼓何鏗鏗文戟
翊高殿采毳分修廊元首乏明哲股肱貴惟良
舟楫行有寄庶此王化昌

牛弘奉和冬至乾陽殿受朝應詔附

恭已臨萬寓宸居御八埏作貢菁茅集來朝
圭黻連司儀三揖盛掌禮九賓虔重欄映如
璧複殿繞非煙

許善心奉和冬至乾陽殿受朝應詔附
森森羅陛衛噦噦鏘璫珣禮殫五瑞輯樂闋
九功成

雲中受突厥主朝宴席賦

鹿塞鴻旗駐龍庭翠輦回氊帷望風舉穹廬向
日開呼韓頓顙至屠耆接踵來索辯擎羶肉韋

鞞獻酒杯如何漢天子空上單于臺

宴東堂

雨罷春光潤日落暝霞暉海樞舒欲盡山櫻開
未飛清音出歌扇浮香飄一作颺舞衣翠帳全臨

戶金屏半隱屏風花意無極芳樹曉禽歸

賜史祥

北史曰煬帝卽位漢王作亂遣其將蔡毋
良自滏口徇黎陽塞白馬津余公理自太
行下河內帝以祥爲行軍總管軍于河陰
公理屯兵河陽城內以備祥祥簡精銳于
下流濬度擊公理大破之東趨黎陽蔡毋
良棄軍走其衆大潰進位上大將軍轉太

僕卿帝
賜祥詩

伯斐朝繼重夏侯親遇深貴耳唯聞古賤目詎
知今早擿勁草質久有背淮心掃逆黎山外振
旅河之陰功已書王府畱情太僕箴

賜牛弘

北史曰煬帝在東宮數有詩書遺弘弘亦有答及嗣位賜弘詩云云其同被賜詩者至于文辭贊揚無如弘美

晉家山吏部魏代盧尚書莫言先哲異奇才並
佐予學行敦時俗道素乃冲虛納言雲閣上體

儀皇運初彝倫欣有序聖拱事端居

賜諸葛穎

隋書本傳曰煬帝即位遷穎著作郎甚見親待帝嘗賜穎詩其卒章曰

叅翰長洲苑侍講肅成門名理窮研覈英華恣
討論實錄資平允傳芳導後昆

早渡淮

平淮旣水淼淼曉霧復霏霏淮甸未分色泱漭共
晨暉晴霞轉孤嶼錦帆出長圻潮魚時躍浪沙
禽鳴欲飛會待高秋晚愁因逝水歸

虞世南奉和出潁至淮應令附
良晨喜利涉解纜入淮濤寒流泛鷁首霜吹
響哀吟潛鱗波裏躍水鳥浪前沈邗溝非復
遠悵望悅宸襟

蔡允恭奉和出潁至淮應令附

久倦川塗曲忽此望淮圻波長泛森森眺迴
情依依稍覺金烏轉漸見錦颿稀欲知仁化
洽謳歌滿路歸

諸葛穎奉和出潁至淮應令附

涉潁倦紆迴浮淮欣迴直遙村含水氣遠浦
澄天色靈濤稍欲近仙巖行可識玄覽屬睿
辭風雲有餘力

弘執恭奉和出潁至淮應令附

睿情欣逸賞臨泛入淮淝棹聲喧呖度颿影
出雲飛清流含日彩犇浪蕩霞暉還如漳水
曲鳴笳啓路歸

臨渭源

西征乃屆此山路亦悠悠地幹紀靈異同穴吐

洪流濫觴何足擬浮槎難可儔驚波鳴澗石澄
听瀉巖樓滔滔下狄縣森森肆神州長林嘯白
獸雲徑想青牛風歸花葉散日舉煙霧收直爲
求人隱非窮轍迹遊

薛道衡奉和臨涓源應詔附

玄功復禹迹至德去湯羅玉關亭障遠金方
水石多八川茲一態萬里導長波驚流注陸
海激浪象天河鸞旗歷巖谷龍穴暫經過西
老陪遊宴南風起詠歌庶品蒙仁澤生靈穆
太和微臣惜暮景願駐魯陽戈

還京師

東都禮儀舉西京冠蓋歸是月春之季花柳相
依依雲蹕清馳道雕輦御晨暉嘹亮鏡笳奏歲
蕤旌旆飛後乘趨文雅前驅厲武威

許善心奉和還京師附

重光闡帝圖肆覲荷來蘇卜洛連新邑因秦
還舊都雷警三辰衛星陳七萃驅從風折鳳
羽曜日拖魚鬚憲章殫禮樂容服備車徒迴

鑿入鄴鎬從蹕度枌榆冉冉年和變遲遲節
物狙餘花照玉李細葉翦珪梧朝夕萬國湊
海會百川輸微生逢大造倏忽改榮枯
捨舟登陸示慧日道場玉清玄壇德衆
天淨宿雲卷日舉長川旦颯灑林花落逶迤風
柳散孤鶴近追羣啼鶯遠相喚蓮舟水處盡畫
輪途始半江滄各自遙東西並與歎已熏禪慧
力復藉金丹捍有異三川遊曾非四門觀於焉
履妙道超然登彼岍

謁方山靈隱寺

梵宮旣隱隱靈岫亦沈沈平郊送晚日高峯落
遠陰迴旛飛曙嶺疎鐘響晝林蟬鳴秋氣近泉
吐石溪深抗迹禪枝地發念菩提心

諸葛穎奉和方山靈巖寺應教附

名山鎮江海梵宇駕風煙畫拱臨松蓋鑿牖
對峯蓮雷出階基下雲歸梁棟前靈光辨晝
夜輕衣數劫年一陪香作食長用福爲田

月夜觀星

團團素月淨脩脩夕景清谷泉驚暗石松風動
夜聲披衣出荆戶躡履步山楹欣覩明堂亮喜
見泰階平觜參猶可識牛女尚分明更移斗柄
轉夜久天河橫徘徊不能寐參差幾種情

虞世南奉和月夜觀星應令附

早秋炎景暮初弦月彩新清風滌暑氣文露
淨囂塵蕩霧銷輕縠鮮雲卷夕鱗休光灼前
耀瑞彩接重輪緣情擣聖藻並作命徐陳宿
草誠淪濫吹噓偶縉紳天文豈易述徒知仰

北辰

蕭琮奉和月夜觀星附

陽精已南陸太曜始西流夕風淒謝暑夜氣
應新秋重門月已映嚴城漏漸修臨風出累
榭度月蔽層樓靈河隔神女仙轡動星牛玉
衡指棟落瑤光對幌留徒知仰閭闔乘槎未
有由

袁慶奉和月夜觀星附

六龍出匿影顧兔始馳光戎井傳宵漏陸倕刻漏

銘徵宮
山庭引夕涼宸居多勝託閒步出琳

堂爛爛星芒動耿耿清河長青道移天駟北

極轉文昌喬枝猶隱畢絕嶺半侵張仰觀留

玉裕陸機宣猷堂詩戶姿玉裕睿作動金相無庸徒抱寂

何以繼連章

諸葛穎奉和月夜觀星附

竄窳神居遠蕭條更漏深薄煙淨遙色高樹

肅清陰星月滿茲夜燦爛還相臨連珠欲東

上團扇漸西沈澄水含斜漢修樹隱橫參時

聞送籌析屢見繞枝禽聖情紀餘事振玉復

鳴金

季秋觀海

孟軻叙遊聖枚乘說瘡疾逃聽乃前聞臨深驗

茲日浮天迴無岸含靈固非一委輸百谷歸朝

宗萬川溢分城一作空碧霧晴連洲彩雲密欣同

夫子觀深愧玄虛筆

望海

碧海雖欣矚金臺空有聞遠水翻如岸遙山倒

似雲斷濤還共合連浪或時分馴鷗舊可狎卉
木足爲羣方知小姑射誰復語臨汾

虞茂奉和望海附

清蹕臨溟漲巨海望滔滔十洲雲霧遠三山
波浪高長瀾疑浴日連島類奔濤神遊藐姑
射睿藻冠風騷徒然雖觀海何以効涓毫

詠鷹

遷朔欲之衡忽投尉羅裏旣以羈華絆仍持獻
君子青骹固絕儔素羽誠難擬深自表茲稱闕
庶斯爲美驚獸不及奔猜禽無暇起雖蒙鞞上
榮無復凌雲志

獻歲讌宮臣

三元建上京六佾宴吳城朱庭容衛肅青天春
氣明朝光動劔綵長階分珮聲酒闌鐘磬息欣
觀禮樂成

虞世南奉和獻歲讌宮臣附

履端初起節長苑命高筵肆夏喧金奏重潤
響朱絃春光催柳色日彩泛槐煙微臣同濫

附錄詩集 卷之一
吹謬得仰鈞天

正月十五日于通衢建燈夜升南樓

法輪天上轉梵語天上來燈樹千光照花燄七
枝開月影凝流水春風含夜梅旛動黃金地鐘
發琉璃臺

諸葛穎奉和通衢建燈應教附

芳衢澄夜景法炬爛參差逐輪時徙燄桃花
生落枝飛煙繞定室浮光映瑤池重閣登臨
罷歌管乘空移

晚春

洛陽春稍晚四望滿春暉楊葉行將暗桃花落
未稀窺簷燕爭入穿林鳥亂飛唯當關塞者溽
露方霑衣

悲秋

故年秋始去今年秋復來露濃山氣冷風急蟬
聲哀鳥擊初移樹魚寒欲隱苔斷霧時通日殘
雲尚作雷

王胄奉和悲秋應令附

秋天擬文學秋水擅莊蒙草濕蒹葭露波卷
洞庭風便坐翻桑葉長坂歇蘭蓂簷喧猶有
燕陂靜未來鴻蟬噪聞疑斷池清映似空劉
安悲落木曹植歎征蓬重明豈凝滯無累在
淵冲隨時四序合應物五情同發言形惻隱
睿作挺神功下材均朽木何以慕雕蟲

冬夜

不覺歲將盡已復入長安月影含冰凍風聲淒
夜寒江海波濤壯峻潼坂險難無因寄飛翼往

欲動和鑿

夏日臨江

夏潭蔭修竹高岸坐長楓日落滄江靜雲散遠
山空鷺飛林外白蓮開水上紅逍遙有餘興悵
望情不終

北鄉古松樹

古松惟一樹森竦詎成林獨留塵尾影猶橫偃
蓋陰雲來聚雲色風度雜風音孤生小庭裏尚
表歲寒心

賜守宮女

隋遺錄曰帝將幸江都東都宮女半不隨駕泣留帝言遼東小國不足煩大駕願擇將征之帝意不回因戲飛帛題二十字賜守宮女

我夢江都好征遼亦偶然但存顏色在離別只

今拾遺年
作經年

持檝篇賜吳絳仙

帝幸江都至汴帝御龍舟蕭妃乘鳳舸每舟擇妙麗女子千人執雕板鏤金檝號殿脚女中吳絳仙者柔麗不與羣輩齒因有寵於帝帝每倚簾視絳仙移時不去因吟持檝篇

舊曲歌桃葉新粧艷落梅將身倚輕檝知是渡

江來

贈張麗華

帝昏酒往往為妖祟所惑嘗遊吳公宅雞臺與陳後主相遇後主侍女數十許中一人迴美帝屢目之後主云此即麗華也帝與後主復詩十數篇麗華求帝一章帝揮觚麗華捧侍頽然不懌

見面無多事聞名爾許時坐來生百媚實個好

相知
此或偽筆

憶韓俊娥二首

帝在廣陵侍兒韓俊娥尤得帝意蕭妃誣
罪去之帝不能止暇日登迷樓憶之題東
南二
柱

黯黯愁侵骨綿綿病欲成須知潘岳鬢強半為
多情

不信長相憶絲從鬢裏生閒來倚樓立相望幾
含情

幸江都作

隋書五行志曰煬帝自京師如東都至長
樂宮飲酒大醉因賦五言詩其卒章曰徒
有歸飛心無復因風力令美人再三吟咏
帝泣下霑襟侍御者莫不歔歔帝因幸江

都復作五言詩云云帝以三月被弒
春之應也是年盜賊蜂起道路隔絕帝遂
無還心復夢二豎子歌曰去亦死住亦死
未若乘船渡江水由是築宮丹陽將居焉
功未就
而被弒

求歸不得去真成遭個春鳥聲爭勸酒梅花笑

殺人

嘲羅羅

以丁
帝常醉遊諸宮偶戲宮婢羅羅者
羅羅畏蕭妃不敢迎帝帝朝之

個人無賴是橫波黛染隆顱簇小蛾幸好留儂
伴成夢不留儂任意如何

鳳翔歌

廣五行志曰隋煬帝三月三日江上作鳳翔歌乃唐興之兆

二月三日向江頭正見鯉魚波上游意欲垂釣
往撩取恐是蛟龍還復休

迷樓歌

帝再幸江都有迷樓宮人夜歌帝披衣起聽召問之云孰使汝歌也女自為之邪宮女曰臣有弟在民間曰道途見童多唱此帝默然久之曰天啓之也因索酒自歌
宮木陰濃燕子飛興衰自古漫成悲他日迷樓
更好景宮中吐艷變紅輝

迷樓宮人歌附

河南楊柳樹河北李桃榮楊花飛去去何處

李花結果自然成

效劉孝綽憶詩二首

以下雜言

憶睡時待來剛不來卸粧仍索伴解珮更相催
博山思結夢沈水未成灰

憶起時投籤初報曉被慝香黛殘枕隱金釵裊
笑動上林中除却司晨鳥

望江南

八闋

海山記曰煬帝闢地周二百里爲西苑內
爲十六院聚巧石爲山鑿池爲湖海又鑿
北海周迴四十里中有三山效蓬萊方丈
瀛洲上皆臺榭迴廊水深數丈開溝通五
湖北海盡通行龍鳳舸帝多泛東
湖因製湖上曲望江南八闕云

湖上月偏照列仙家水浸寒光鋪枕簟浪攪晴
影走金蛇偏稱泛靈槎○光景好輕彩望中斜
清露冷侵銀兔影西風吹落桂枝花開宴思無

涯

湖上柳煙裏不勝垂宿霧洗開明媚眼東風搖
弄好腰肢煙雨更相宜○環曲岸陰覆畫橋低

線拂行人春晚後絮飛晴雪暖風時幽意更依
依

湖上雪風急墮還多輕片有時敲竹戶素華無
韻入澄波望外王相磨○湖水遠天地色同和
仰面莫思梁苑賦朝來且聽玉人歌不醉擬如
何

湖上草碧翠浪通津修帶不爲歌舞緩濃鋪堪
作醉人茵無意襯香衾○晴霽後顏色一般新
遊子不歸生滿地佳人遠意寄青春留詠卒難

伸

湖上花天水浸靈芽淺
蒞水邊勻玉粉濃苞天
外剪明霞只在列仙家
○開爛熳插鬢若相遮
水殿春寒幽冷艷玉軒
晴照暖添華清賞思何
賒

湖上女精選正輕盈猶恨乍離金殿侶相將盡
是采蓮人清唱謾頻頻○軒內好嬉戲下龍津
玉管朱絃聞盡夜踏青闌草事青春玉輦從羣
真

湖上酒終日助清歡檀板輕聲銀甲緩敲浮香
米玉蛆寒醉眼暗相看○春殿晚仙艷奉杯盤
湖上風光真可愛醉鄉天地就中寬帝主正清
安

湖上水流遶禁園中映日暖搖清翠動落花香
暖衆紋紅蘋未起清風○閒縱目魚躍小蓮東
泛泛輕搖蘭棹穩沈沈寒影上仙宮遠意更重
重

魏泉綠藻蕪末味靑風○開鑿百餘里小東
勝上水流盡禁國中朔日製錦綉衣冠香
衣

賦上風衣真可變相天飲有古
宋王融美雜頌部賦春○春煥煥
賦上階綠日明不增豈對舞華翠

隋煬帝集卷之二

隋煬帝楊廣著

詔

營東京詔

乾道變化陰陽所以消息浴創不同生靈所以
順叙若使天意不變施化何以成四時人事不
易為政何以釐萬姓易不云乎通其變使民不
倦變則通通則久有德則可久有功則可大朕
又聞之安安而能遷民用丕變是故姬邑兩周

如武王之意殷人五徙成湯后之業若不因人
順天功業見乎變愛人治國者可不謂歟然洛
邑自古之都王畿之內天地之所合陰陽之所
和控以三河固以四塞水陸通貢賦等故漢祖
曰吾行天下多矣唯見洛陽自古皇王何嘗不
留意所不都者蓋有由焉或以九州未一或以
困其府庫作洛之制所以未暇也我有隋之始
便欲創茲懷維日復一日越暨于今念茲在茲
與言感哽朕蕭膺寶曆纂臨萬邦遵而不失心

奉先志今者漢王諒悖逆毒被山東遂使州縣
或淪非所此由關河懸遠兵不赴急加以并州
移居復在河南周遷殷人意在於此况復南服
遐遠東夏殷人因機順動今也其時羣司百辟
僉諧厥議但成周墟堵弗堪葺宇今可於伊洛
營建東京便卽設官分職以爲民極也夫宮室
之制本以便生上棟下宇足避風露高臺廣廈
豈曰適形故傳云儉德之共侈惡之大宣尼有
云與其不遜也寧儉豈謂瑤臺瓊室方爲宮殿

者乎土堦采椽而非帝王者乎是知非天下以
奉一人乃一人以主天下也民惟國本本固邦
寧百姓足孰與不足今所營構務從節儉無令
雕墻峻宇復起於當今欲使卑宮菲食將貽於
後世有司明爲條格稱朕意焉

立七廟詔

聿追孝饗德莫至焉崇建寢廟禮之大者然則
質文異代損益殊時學滅坑焚經典散逸憲章
湮墜廟堂制度師說不同所以世數多少莫能
是正連室異宮亦無準定朕獲奉祖宗欽承景
業永惟嚴配思隆大典於是詢謀在位博訪儒
術咸以爲高祖文皇帝受天明命奄有區夏拯
羣飛於四海革凋敝於百王恤獄緩刑生靈皆
遂其性輕徭薄賦比屋各安其業恢夷宇宙混

一車書東漸西被無思不服南征北怨俱荷來
蘇駕毳乘風歷代所弗至辨髮左衽聲教所罕
及莫不厥角關塞頓顙闕庭譯靡絕時書無虛
月韜戈偃武天下晏如嘉瑞休徵表裏禔福猗
歟偉歟無得而名者也朕又聞之德厚者流光
治辨者禮縟是以周之文武漢之高光其典章
特立謚號斯重豈非緣情稱術卽崇顯之義乎
高祖文皇帝宜別建廟宇以彰巍巍之德仍遵
月祭用表蒸蒸之懷有司以時創造務合典制
又名位既殊禮亦異等天子七廟事著前經
侯二昭義有差降故其以多爲貴王者之禮
可依用貽厥後昆

漢二部奏育美制其以多以貴王帝之野今
又命立刑初甄亦異等六千十國事書前錄

修高廟樂詔

古先哲王經國成務莫不因人心而制禮則天
明而作樂昔漢氏諸廟別所樂亦不同至於光
武之後始立共堂之制魏文承運初營廟寢太
祖一室獨爲別宮自茲之後兵車交爭制作規
模日不暇給伏惟高祖文皇帝功侔造物道濟
生靈享薦宜殊樂舞須別今若月祭時饗旣與
諸祖共庭至於舞功獨於一室交違禮意未合
人情其詳議以聞

入制其美焉以聞

言則共敬一公其及焉於一室文其美焉以聞

言則共敬一公其及焉於一室文其美焉以聞

言則共敬一公其及焉於一室文其美焉以聞

言則共敬一公其及焉於一室文其美焉以聞

言則共敬一公其及焉於一室文其美焉以聞

言則共敬一公其及焉於一室文其美焉以聞

言則共敬一公其及焉於一室文其美焉以聞

為先代立後詔

晉周王下車首封唐虞之胤漢帝承曆亦命殷
周之後皆所以褒立先代憲章在昔朕嗣膺景
業傍求雅訓有一弘益欽若令典以為周兼夏
殷文質大備漢有天下車書混一魏晉沿襲風
流未遠並宜立後以存繼絕之義有司可求其
冑緒列聞

附錄帝集 卷之二
為孔子立後詔

先師尼父聖德在躬誕發天縱之資憲章文武之道命世膺期蘊茲素王而頽山之歎忽踰於千祀盛德之美不存於百代永惟懿範宜有優崇可立孔子後為紹聖侯有司求其苗裔錄以申上

為前代帝王守陵墓詔

前代帝王因時創業君民建國禮尊南面而歷運推移年世永久丘壟殘毀樵牧相趨塋兆堙蕪封樹莫辨興言淪滅有愴於懷自古已來帝王陵墓可給隨近十戶蠲其雜役以供守視

爲昔賢立祠詔

旌表先君式存饗祀所以優禮賢能顯彰遺愛
朕永鑒前修尚想名德何嘗不興歎九原屬懷
千載其自古已來賢人君子有能樹聲立德佐
世匡時博利殊功有益於人者並宜營立祠宇
以時致祭墳壟之處不得侵踐有司量爲條式
稱朕意焉

功臣襲封詔

大帝圖草創王業艱難咸仗股肱叶同心德用
能拯厥頽運克膺大寶然後疇庸茂賞開國承
家誓以山河傳之不朽近代喪亂四海未一茅
土妄假名實相乖歷茲永久莫能懲革皇運之
初百度伊始猶循舊貫未暇改作今天下交泰
文軌攸同宜率遵先典永垂大訓自今已後唯
有功勲乃得賜封仍令子孫承襲

文輝文同宜率藝武典不盡大臨自今日對非
際百數年後流裔書貫未期如昔今天下交泰
土安則各實財年豐茲承人莫謂勞華皇聖之
睿誓以山河斷文不殊邊外與隔四載未一菜
指冠冠庶幾克歡大寶於茲神氣實開因承
大帝圖符王業興發與同同心斷
此日襲佳節

勲官不得回授職事詔

軍國異容文武殊用匡危拯難則霸德攸興化
人成俗則王道斯貴時方撥亂屠販可以登朝
世屬隆平經術然後升仕豐都爰肇儒服無預
于周行建武之朝功臣不參於吏職自三方未
一四海交爭不遑文教唯尚武功設官分職罕
以才授班朝治人乃由勲叙莫非拔足行陣出
自勇夫敦學之道旣所不習政事之方故亦無
取是非暗於在已威福專於下吏貪冒貨賄不

知紀極蠹政害民實由於此自今已後諸授勳
官者並不得回授文武職事庶遵彼更張取類
於調瑟求諸名製不傷於美錦若吏部輒擬用
者御史卽宜糾彈

舉賢詔

天下之重非獨治所安帝王之功豈一士之略
自古明君哲后立政經邦何嘗不選賢與能收
採幽滯周稱多士漢號得人常想前風載懷欽
佇朕負辰夙興冕旒待旦引領巖谷寘以周行
冀與羣才共康庶績而彙茅寂寞投竿罕至豈
讓美韜采未值良工將介石在懷確乎難拔永
鑒前哲憮然興歎凡厥在位譬諸股肱若濟巨
川義同舟楫豈得保茲寵祿晦爾所知優游卒

歲甚非謂也。祈大夫之舉善良，史以爲至公。臧文仲之蔽賢，尼父譏其竊位。求諸往古，非無褒貶。宜思進善用，匡虛薄。夫孝弟有聞，人倫之本。德行敦厚，立身之要。或節義可稱，或操履清潔。所以激貪厲俗，有裨風化。強毅正直，執憲不撓。學業優敏，文才美秀。並爲廊廟之用，實乃瑚璉之資。才堪將略，則拔之以禦侮。膂力驍壯，則任之以爪牙。爰及一藝可取，亦宜採錄。衆善畢舉，與時無棄。以此求治，庶幾非遠。文武有職事者，五品已上，宜依令十科舉。人有一於此，不必求備。朕當待以不次，隨才升擢。其見任九品已上官者，不在舉送之限。

官箴不亦舉茲文
正日丁丑宜於令十條舉人有一然此亦必未

勵經術詔

君民建國教學爲先移風易俗必自茲始而言
絕義乖多歷年代進德修業其道寢微漢採坑
焚之餘不絕如線晉承板蕩之運掃地將盡自
時厥後軍國多虞雖復黌宇時建示同愛禮函
丈或陳殆爲虛器遂使紆青拖紫非以學優製
錦操刀類多牆面上陵下替綱維靡立雅缺道
消實由於此朕纂承洪緒思弘大訓將欲尊師
重道用闡厥繇繇講信修睦敦獎名教方今宇宙

平一文軌攸同十步之內必有芳草四海之中
豈無奇秀諸在家及見入學者若有篤志好古
耽悅典墳學行優敏堪膺時務所在採訪具以
名聞卽當隨其器能擢以不次若研精經術未
願進仕者可依其藝業深淺門蔭高卑雖未升
朝並量準給祿庶夫悔而善誘不日成器濟濟
盈朝何遠之有其國子等學亦宜申明舊制教
習生徒具爲課試之法以盡砥礪之道

巡省風俗詔

昔者哲王之治天下也其在愛民乎旣富而教
家給人足故能風淳俗厚遠至邇安治定功成
率由斯道朕嗣膺寶曆撫育黎獻夙夜戰兢若
臨川谷雖則聿遵先緒弗敢失墜永言政術多
有缺然况以四海之遠兆民之衆未獲親臨問
其疾苦每慮幽仄莫舉冤屈不申一物失所乃
傷和氣萬方有罪責在朕躬所以寤寐增歎而
夕惕載懷者也今旣布政惟始宜存寬大可分

遣使人巡省方俗宣揚風化薦拔幽滯申達幽
枉孝悌力田給以優復鰥寡孤獨不能自存者
量加賑濟義夫節婦旌表門閭高年之老加其
版授並依別條賜以粟帛篤疾之徒給侍丁者
雖有侍養之名曾無調贍之實明加檢校使得
存養若有名行顯著操履修潔及學業才能一
藝可取咸宜訪採將身入朝所在州縣以禮發
遣其有蠹政害人不便於時者使還之日具錄
奏聞

尚齒詔

優德尚齒載之典訓尊事乞言義彰膠序鬻熊
爲師取非筋力方叔元老克壯其猷朕永言稽
古用求至治是以厖眉黃髮更令收敘務簡秩
優無虧藥膳庶等臥治佇其弘益今歲耆老赴
集者可於近郡處置年七十以上疾患沉滯不
堪居職卽給賜帛送還本郡其官至七品已上
者量給廩以終厥身

緝民詔

設險守國著自前經重門禦暴事彰往策所以
宅土寧邦禁邪固本而近代戰爭居人散逸田
疇無伍邪郭不修遂使遊惰實繁寇歎未息今
天下平一海內晏如宜令人悉城居田隨近給
使強弱相容力役兼濟穿窬無所厝其姦宄崔
浦不得聚其逋逃有司具爲事條務令得所

教義詔

武有七德先之以安民政有六本興之以教義
高麗高元虧失藩禮將欲問罪遼左恢宣勝畧
雖懷伐國仍事省方今往涿郡巡撫民俗其河
北諸郡及山西山東年九十已上者版授太守
八十者授縣令

安集詔

古者帝王觀風問俗皆所以憂勤兆庶安集遐
荒自蕃夷內附未遑親撫山東經亂須加存卹
今欲安集河北巡省趙魏所司依式

恤行役詔

朕觀風燕裔問罪遼濱文武出力爪牙思奮莫
不執銳勤王捨家從役罕蓄倉廩之資兼損播
殖之務朕所以夕惕愀然慮其匱乏雖復素飽
之衆情在忘私悅使之人宜從其厚諸行從一
品以下飲飛募人以上家口郡縣宜數存問若
有糧食乏少皆宜賑給或雖有田疇貧弱不能
自耕種可於多丁富室勸課相助使夫居者有
斂積之豐行役無顧後之慮

百獸食之少皆宜類命如華育田壽貧賤不
品以下好漿慕人以上寒口味熱宜燒芥問昔
之衆制非志法刑對之人宜與其具請行外一
無之存想以以以以以以以以以以以以以以
不身論陳王餘家第好軍蓄餘與之資兼財繼
刑以以以以以以以以以以以以以以以以以以
刑以以以以以以以以以以以以以以以以以以
刑以以以以以以以以以以以以以以以以以以

達幽枉詔

聽採輿頌謀及庶民故能審政刑之得失是知
昧旦思治欲使幽枉必達彝倫有章而牧宰任
稱朝委苟爲微幸以求考課虛立殿最不存治
實網紀於是弗理冤屈所以莫申關河重阻無
由自達朕故建立東京躬親存問今將巡歷淮
海觀省風俗眷求讜言徒繁詞翰而鄉校之內
闕爾無聞惟然夕惕用忘興寢其民下有知州
縣官人政治苛刻侵害百姓背公徇私不便於

民者宜聽詣朝堂封奏庶乎四聰以達天下無
寬

寬連坐詔

罪不及嗣既弘至孝之道恩由義斷以勸事君
之節故羊鮒從戮彌見叔向之誠季布立勲無
預丁公之禍用能樹聲往代貽範將來朕虛心
爲政思遵舊典推心待物每從寬政六位成象
美厥含弘一青掩德甚非謂也諸犯罪被戮之
門朞已下親仍令合仕聽預宿衛近侍之官

改博陵爲高陽郡詔

博陵昔爲定州地居衝要先皇歷試所基王化
斯遠故以道冠幽風義高純邑朕巡撫氓庶爰
屆茲邦瞻望郊廛緬懷敬止思所以宣播德澤
覃被下人崇紀顯號式光令緒可改博陵爲高
陽郡授境內死罪已下給復一年

埋祭死亾軍士詔

竭力王役致身戎事咸由徇義莫匪勤誠委命
草澤棄骸原野興言念之每懷愍惻往年出車
問罪將屆遼濱廟筭勝略具有進止而諒憐凶
罔識成敗高頰復狠本無智謀臨三軍猶見戲
視人命如草芥不遵成規坐貽撓退遂令死亾
者衆不及埋藏今宜遣使人分道收葬設祭於
遼西郡立道場一所恩加泉壤庶彌窮魂之寃
澤及枯骨用弘仁者之惠

人命收草芥不置如賦坐胡蘇最發令亟凶
用猶如規高陽也本無擊諸朝三軍斷良殫
則罪誅自發也胡蘇其才雖止而猶斷凶
卒武業壯也胡蘇其才雖止而猶斷凶
胡蘇其才雖止而猶斷凶

隋煬帝集卷之三

隋煬帝楊廣著

詔

親征高麗詔

天地大德降繁霜於秋令聖哲至仁著甲兵於
刑典故知造化之有肅殺義在無私帝王之用
干戈蓋非獲已版泉丹浦莫匪襲行取亂覆昏
咸由順動況乎甘野誓師夏開成大禹之業商
郊問罪周發成文王之志永監前載屬當朕躬

粵我有隋誕膺靈命兼三才而建極一六合而
爲家提封所漸細柳盤桃之外聲教爰暨紫舌
黃枝之域遠至邇安罔不和會功成治定於是
乎在而高麗小醜迷昏不恭崇聚勃碣之間薦
食遼徼之境雖復漢魏誅戮巢窟暫傾亂離多
阻種落還集萃川藪於往代播實繁以迄今睠
彼華壤翦爲夷類歷年永久惡稔旣盈天道禍
淫亾徵已兆亂常敗德非可勝圖掩慝懷姦惟
日不足移告之嚴未嘗面受朝覲之禮莫肯窮

親誘納亾叛不知紀極克斥邊陲亟勞烽候關
柝以之不靜生人爲之廢業在昔薄伐已漏天
網旣緩前禽之戮未卽後服之誅曾不懷恩翻
爲長惡乃兼契丹之黨虔劉海戍習韎鞞之服
侵軼遼西又青丘之表咸修職貢碧海之濱同
稟正朔遂復攸攘琛賚遏絕往來虐及弗辜誠
而遇禍輜軒奉使爰暨海東旌節所次途經藩
境而擁塞道路拒絕王人無事君之心豈爲臣
之禮此而可忍孰不可容且法令苛酷賦歛煩

重強臣豪族咸執國鈞朋黨比周以之成俗賄
貨如市冤枉莫中重以仍歲灾凶比屋饑饉兵
戈不息徭役無期力竭轉輸身填溝壑百姓愁
苦爰誰適從境內哀惶不勝其弊迴首面內各
懷性命之圖黃髮稚齒咸興酷毒之歎省俗觀
風爰屆幽朔弔人間罪無俟再駕於是親總六
師用申九伐拯厥阡危協從天意殄茲逋穢克
嗣先謨今宜授律啓行分麾屆路掩渤海而雷
震歷夫餘以電掃北戈按甲誓旅而後行三令

五申必勝而後戰左第一軍可鏤方道第二軍
可長岑道第三軍可海冥道第四軍可蓋馬道
第五軍可建安道第六軍可南蘇道第七軍可
遼東道第八軍可玄菟道第九軍可扶餘道第
十軍可朝鮮道第十一軍可沃沮道第十二軍
可樂浪道右第一軍可黏蟬道第二軍可含資
道第三軍可渾彌道第四軍可臨屯道第五軍
可候城道第六軍可提奚道第七軍可踏頓道
第八軍可肅慎道第九軍可碣石道第十軍可

東曉道第十一軍可帶方道第十二軍可襄平
道凡此衆軍先奉廟畧絡繹引途總集平壤莫
非如豺如貔之勇百戰百勝之雄顧盼則山岳
傾頽叱吒則風雲騰鬱心德攸同爪牙斯在朕
躬馭元戎爲其節度涉遼而東循海之右解倒
懸於遐裔問疾苦於遺黎其外輕齎遊闕隨機
赴響卷甲銜枚出其不意又滄海道軍舟艦千
里高颿電逝巨艦雲飛橫斷沮江逕造平壤島
嶼之望斯絕坎井之路已窮其餘被髮左衽之

人控弦待發微盧彭濮之旅不謀同辭杖順臨
逆人百其勇以此衆戰勢等摧枯然則王者之
師義存止殺聖人之教必也勝殘天罰有罪本
在元惡人之多僻脇從罔治若高元泥首轅門
自歸司寇卽宜解縛焚櫬弘之以恩其餘臣人
歸朝奉順咸加慰撫各安生業隨才任用無隔
夷夏營壘所次務在整肅芻蕘有禁秋毫勿犯
布以恩宥喻以禍福若其同惡相濟抗拒官軍
國有常刑俾無遺類明加曉示稱朕意焉

其後... 業翻木卦用無翻... 自謂... 以恩其鎗... 卦示惡人之多... 再伐高麗詔... 變人百其與... 黃帝五十二戰成湯二十七征方乃德施諸侯... 令行天下盧芳小盜漢祖尚且親征隗囂餘燼... 光武猶自登隴豈不欲除暴止戈勞而後逸者... 哉朕纂成寶業君臨天下日月所照風雨所沾... 孰非我臣獨隔聲教蕞爾高麗僻居荒表鴟張... 狼噬侮慢不恭抄竊我邊陲侵祿我城鎮是以... 去歲出軍問罪遼碣殪長蛇於玄菟戮封豕於... 襄平扶餘衆軍風馳電逝追奔逐北徑踰沮水

再伐高麗詔

黃帝五十二戰成湯二十七征方乃德施諸侯
令行天下盧芳小盜漢祖尚且親征隗囂餘燼
光武猶自登隴豈不欲除暴止戈勞而後逸者
哉朕纂成寶業君臨天下日月所照風雨所沾
孰非我臣獨隔聲教蕞爾高麗僻居荒表鴟張
狼噬侮慢不恭抄竊我邊陲侵祿我城鎮是以
去歲出軍問罪遼碣殪長蛇於玄菟戮封豕於
襄平扶餘衆軍風馳電逝追奔逐北徑踰沮水

滄海舟楫衝賊腹心焚其城郭汙其宮室高元
伏鎖泥首送款軍門尋請入朝歸罪司寇朕以
許其改過乃詔班師而長惡不悛宴安鳩毒此
而可忍孰不可容優可分命六師百道俱進朕
當親執武節臨御諸軍秣馬丸都觀兵遼水順
天誅於海外救窮民於倒懸征伐以正之明德
以誅之止除元惡餘無所問若有識存亾之分
悟安危之機翻然北首自求多福必其同惡相
濟抗拒王師若火燎原刑茲無赦有司便宜宣

傳咸使聞知

勞楊素手詔

我有隋之御天下也于今二十有四年雖復外
夷侵叛而內難不作修文偃武四海晏然朕以
不天銜恤在疚號天叩地無所建及朕本以藩
王謬膺儲兩復以庸虛纂承洪業天下者先皇
之天下也所以戰戰兢兢弗敢失墜况復神器
之重生民之大哉賊諒苞藏禍心自幼而長羊
質獸心假託名譽不奉國諱先圖叛逆違君父
之命成莫大之罪誑惑良善委任奸回稱兵內

陽明帝集 卷之三
侮毒流百姓私假署置擅用謀戮小加大少陵
長民怨神怒衆叛親離爲惡不同同歸於亂朕
寡兄弟猶未忍及言是故開關門而待寇戢干
戈而不發朕聞之天生蒸民爲之置君仰惟先
旨每以子民爲念朕豈得枕伏苦廬顛而不救
也大義滅親春秋高義周且乃誅二叔漢啓乃
戮七藩義在茲乎事不獲已是以授公戎律問
罪太原且逆子賊臣何代不有豈意今者近出
家國所歎荼毒甫爾便及此事由朕不能和已
弟不能安蒼生德澤未弘兵戈先動賊亂者止
一人塗炭者乃衆庶非惟寅畏天威亦乃孤負
付囑薄德厚耻愧乎天下公乃先朝功臣勳庸
克茂至如皇基草創百物惟便始匹馬歸朝誠
識兼至汴部鄭州風卷秋籜荆南塞北若火燎
原早建殊勲夙著誠節及獻替朝端具瞻惟允
爰弼朕躬以濟時難昔周勃霍光無以加也賊
乃竊據蒲州關梁斷絕公以少擊衆指期平殄
高壁據嶮抗拒官軍公以深謀出其不意霧廓

雲除冰消瓦解長驅北邁直趣巢窟晉陽之南
蟻徒數萬諒不量力欲猶舉斧公以稜威外討
發憤於內忘身殉義親當矢石兵刃斲交魚潰
鳥散僵屍蔽野積甲若山諒遂守窮城以拒鈇
鉞公董率驍勇四面攻圍使其欲戰不敢求走
無路智力俱盡面縛軍門斬將搴旗伐叛柔服
元惡既除東夏清晏嘉庸茂績於是乎在昔武
安平趙淮陰定齊豈若公遠而不勞速而克捷
者也朕殷憂諒闇不得親御六軍未能問道於
上庠遂使劬勞於行陣言念於此無忘寢食公
乃建異世之元勳執一心之確志古人有言曰
疾風知勁草世亂有誠臣公得之矣方乃銘之
常鼎豈止書勲竹帛哉功績克諧哽歎無已稍
冷公如宜軍旅務殷殊當勞慮故遣公弟指宣
往懷迷塞不次

楊素謝表附

臣自惟虛薄志不及遠州郡之職敢憚劬勞
卿相之榮無階覬望然時逢昌運王業惟始

雖涓流赴海誠心屢竭輕塵積岳功力蓋微
徒以南陽里閭豐沛子弟高位重爵榮顯一
時遂復入處朝端出總戎律受文武之任預
帷幄之謀豈臣才能實由恩澤欲報之德義
極昊天伏惟陛下照重離之明養繼天之德
牧臣於踈遠照臣以光暉南服降枉道之書
春官奉肅成之旨然草木無識尚榮枯候時
況臣有心實自効無路晝夜迴惶寢食慙惕
常懼朝露奄至虛負聖慈賊諒包藏禍心有
自來矣因幸國哀便肆凶逆興兵晉代搖蕩
山東陛下拔臣於凡流授臣以戎律蒙心膂
之寄稟平亂之規蕭王赤心人皆以死漢皇
大度天下爭歸妖寇廓清豈臣之力曲蒙使
臣弟約齋詔書問勞高旨峻筆有若大臨洪
恩大澤便同海運悲欣慙懼五情振越雖百
隕微軀無以一報

謝靈運集卷之一

恩大... 引... 大... 之... 自... 自來... 因幸... 國京... 碑... 紀... 德... 豐... 碑... 所以... 垂... 名... 迹... 於... 不... 朽... 樹

為楊素立碑詔

夫銘功... 風聲... 室竭... 亂未... 播雕... 篆用... 圖... 勲... 德... 可... 立... 碑... 宰... 隧... 以... 彰... 盛... 美

手詔史祥

昔歲勞公問罪河朔賊爾日塞兩關之路據倉阻河百姓脇從人亦眾矣公竭誠奮勇一舉尅定詩不云乎喪亂既平既安且寧非英才大畧其孰能與於此邪故聊示所懷亦何謝也

褒樊子蓋詔

子蓋為武威太守以善政聞大業三年入朝帝引之內殿特蒙褒美乃下詔

設官之道必在用賢安人之術莫如善政龔汲振德化於前張杜垂清風於後共治天下實資良守子蓋幹局通敏操履清潔自剖符四服愛惠為先撫道有方寬猛得所處腴膏不潤其質酌貪泉豈渝其性故能治績克彰課最之首凡厥在位莫匪王臣若能人思奉職各展其効朕將冕旒垂拱何憂不治哉

詔樊子蓋

卿夙懷恭順深執誠心聞朕西巡欣然望幸丹款之至甚有可嘉宜保此純誠克終其美

又褒樊子蓋詔

車駕西巡子蓋獻青木香以禦霧露及帝還謂之曰人道公清定如此不子蓋謝曰臣安敢言清止是小心不敢納

唯耳賜口味百餘斛又下詔
道德齊禮寔惟共治懲惡勸善用明黜陟朕親巡河右觀省人風所歷郡縣訪採治績罕遵法度多蹈刑網而金紫光祿大夫武威太守樊子蓋執操清潔處湮不渝立身雅正臨人以簡威惠兼舉寬猛相資故能畏而望之不嚴斯治實宰人之盛績有國之良臣宜加褒顯以弘獎勵

可右光祿大夫太守如故賜縑千疋粟麥二千

斛

加蘇威開府儀同三司詔

玉以潔潤丹紫莫能渝其質松表歲寒霜雪莫
能凋其采可謂溫仁勁直性之然乎房公威器
懷溫裕識量弘雅曷居端揆備悉國章先皇舊
臣朝之宿齒棟梁社稷弼諧朕躬守文奉法卑
身率禮昔漢之三傑輔惠帝者蕭何周之十亂
佐成王者邵奭國之寶器其在得賢叅燮台階
具瞻斯允雖復事藉論道終期獻替銓衡時務
朝寄爲重可開府儀同三司餘並如故

茲以王昏淫輿國之寶器其玉爵寶乘燹台
 以率甄昔冀之三粉輔惠帝昔蕭何周之十
 亞牌之流齒棘采五野甄蓄湘琅守文奉去甲
 對盛祿端量以罪早以誠發辭參因章式皇舊
 計賦其采可謂盛二德直卦之烈年與公烈器
 至以感斷民崇莫計命其賢不遠矣案雷雲莫
 此類如周風書同三百篇

以衛玄為光祿大夫詔

近者妖氛克斥擾動關河文并率勵義勇應機
 響赴表裏奮擊摧破兇醜宐升榮命式弘賞典
 可右光祿大夫

贈劉方上柱國盧國公詔

方肅承廟畧恭行天討飲冰遄邁視險若夷摧
鋒直指出其不意鯨鯢盡殪巢穴咸傾役不再
勞肅清海外致身王事誠績可嘉可贈上柱國
盧國公

贈豆盧毓大將軍詔

褒顯名節有國通規加等節終抑推令與毓深
識大義不顧姻親出於萬死首建竒策去逆歸
順殉義亾身追加榮命宜優恒禮可贈大將軍
封正義縣公賜帛二千疋謚曰愍

改封豆盧毓雍丘侯詔

故大將軍正義愍公毓臨節能固捐生殉國成
爲令典沒世不忘象賢無墜德隆必祀改封雍
丘侯復以願師承襲

追贈獨孤陔詔

外氏衰禍獨孤陔不幸早世遷卜有期言念渭
陽之情追懷傷切宜加禮命允備哀榮可贈正
議大夫

又

舅氏之尊戚屬斯重而降年弗永凋落相繼緬
惟先往宜崇徽秩復贈銀青光祿大夫

責蘇威詔

威立性朋黨好爲異端懷挾詭道徼幸名利詆
訶律令謗訕臺省昔歲薄伐奉述先志凡預切
問各盡胸臆而威不以開懷遂無對命啓沃之
道其若是乎資敬之義何其甚薄

徙衛王集騰王綸詔

綸集以附萁之華猶子之重縻之好爵匪由德
進正應與國升降休戚是同乃包藏妖禍誕縱
邪僻在三之義愛敬俱淪急難之情孔懷頓滅
公卿議旣如此覽以潛然雖復王法無私恩從
義斷但法隱公族禮有親親致之極辟情所未
忍可除名爲民遠徙邊郡

優突厥詔

突厥意利珍豆啓民可汗率領部落保附關塞
遵奉朝化思改戎俗頻入謁覲屢有陳請以旣
牆毳幕事窮荒陋上棟下宇願同比屋誠心懇
切朕之所重宜於萬壽戎置城造屋其帷帳牀
褥已上隨事量給務從優厚稱朕意焉

答議突厥改服詔

突厥啓民表請乞依華夏服飾公卿請依所表帝以爲不可乃下詔

先王建國夷夏殊風君子教民不求變俗斷髮文身咸安其性旃裘卉服各尚所宜因而利之其道弘矣何必化諸削任縻以長纓豈遂性之至理非包含之遠度衣服不同旣辨要荒之敘庶類區別彌見天地之情

賜啓民位侯王上詔

德合天地覆載所以弗遺功格區寓聲教所以咸洎至於梯山航海請受正朔襲冠解辮同彼臣民是故王會納貢義彰前冊呼韓入臣待以殊禮突厥意利珍寶啓民可汗志懷沈毅世修藩職往者挺身違難投足歸仁先朝嘉此款誠授以徽號資其甲兵之衆收其破滅之餘復祀於旣亾之國繼絕於不存之地斯固施均亭育澤漸要荒者矣朕以薄德祇奉靈命思播遠猷

光融令緒是以親巡朔野撫寧藩服啓民深委
誠心入奉朝覲率其種落拜首軒墀言念丹款
良以嘉尚宜隆榮數式優恒典可賜路車乘馬
鼓吹幡旗贊拜不名位在諸侯王上

與高昌國王詔

彰德嘉善聖哲所隆顯誠遂良典謨貽則光祿
大夫弁國公高昌王伯雅識量經遠器懷溫裕
丹款夙著亮節遐宣本自諸華歷祚西壤昔因
多難淪迫德戎數窮毀冕翦爲胡服自我皇隋
平一宇宙化偃九圍德加四表伯雅踰沙忘阻
奉賚來庭觀禮容于舊章慕威儀之盛典於是
襲纓解辮削衽曳裾變夷從夏義光前載可賜
衣冠之具仍班製造之式并遣使人部領將送

被以采章復見車服之美棄彼氎毳還為冠帶
之國

平一守宿衛則大國盡賦國表自斯解少忌明
多機命庶類深遠漢魏皇尊為階期自非皇制
大夫及諸侯皆自備車馬自備華制非西製昔因
大夫及諸侯皆自備車馬自備華制非西製昔因
大夫及諸侯皆自備車馬自備華制非西製昔因
大夫及諸侯皆自備車馬自備華制非西製昔因
大夫及諸侯皆自備車馬自備華制非西製昔因

隋煬帝集卷之四

隋煬帝楊廣著

勅

宣齊王勅

帝拜柳謩之為齊王長史帝法服臨軒命
齊王立朝堂之前遣牛弘等引謩之詣齊
王所西面立
宣勅謂王

我昔階緣恩寵啓封晉陽出藩之初時年十二
先帝立我於西朝堂乃令高穎虞慶則元旻等
從內送王子相於我于時誠我日以汝幼冲未

更世事今令子相作輔於汝事無大小皆可委
之無得近昵小人疎遠子相若從我言者有益
於社稷成立汝名行如有不用此言唯國及身
敗無日矣吾受勅之後奉以周旋不敢失墜微
子相之力吾無今日矣若與蹇之從事一如子
相也

與柳蹇之勅

今以卿作輔於齊善思匡救之理副朕所望若
齊王德業修備富貴自當鍾卿一門若有不善
罪亦相及

罪亦昧矣

齊王勣業於前富貴自宮殿一門若成不善
今以微官神其善思三姓之聖國知聖法
其法亦尊之也

勅度四十九人法名

皇帝勅皇帝敬問括州國清寺沙門智越法師
等僧使智璨至得書具至懷天台福地實為勝
境所以敬為智者建立伽藍法緣既深尊師義
重欲使宗匠遺範奉而弗墜菩薩淨業久而彌
新然則去聖久遠學徒陵替規求利養不斷俗
緣滋味甘腴違犯戒律此乃增長罪垢豈謂福
田師等離有為法求無上道棄俗諸漏鑑在雅
懷由須獎訓末學弘修淨行俾夫法門等侶咸

歸和合諸佛禁戒畢竟遵行又此寺嘉應事表
先覺既理由冥感卽號國清寺并有施物用申
隨喜冬序甚寒道體清豫朕巡省風俗爰屆江
都瞻望山川載深勞想故遣兼通事舍人盧政
力往指此不多

衆謝啓附

天台山國清寺沙門智越一衆啓兼通事舍
人盧政力至奉宣十月二十九日勅云天慈
訓誨賚寺瑞名施物二千段米一千斛熏陸

香二斛千僧法齋度四十九人出家修治寺
宇卽集衆燒香宣唱仰惟聖治德合乾坤子
養萬邦安撫四海助佛教化度脫衆生光大
之恩誠無等等越等雖披法衣行不稱照乃
侍先師每垂宗範日夜克責無地啓處伏奉
勅旨頂戴受持但凡庸小劣不識菩薩大智
昔陳世之時親聞師說三國爲一有大力勢
人當爲造寺寺若立國土卽清必爲國清寺
于時車書未一不識何言自爾以來抱疑弗

曉奉勅賚寺國清之名還符本瑞山僧山民
載欣載喜始知諸願菩薩更相啓發或作五
品或統萬機光顯三尊利益國土慶此含情
幸聞休瑞仰瞻寺額卽如悟道但慈恩普被
日下同霑而天台一方偏感弘澤名衣上服
相次光臨妙物精糧前後降集越等三學無
功一餐難受況米物盈積豈可恭弘深懼不
堪慮延罪過庶藉慈宥展竭愚誠奉酬宸極
但天台幽遠自昔以來單權獨行今太平在
運國清寺立四十九人一日出家髮落障滌
實爲希有冀其心力增進學行日新念念功
熏奉資皇國又千僧結齋凡聖雲集日色華
朗僧徒欣戴仰惟先師妙德不可思議感應
神通必當鑑降午後對使人開發靈龕希有
聖瑞備是使人等公私道俗共見越等悲喜
交至謹以啓知謹啓

交至勤以智味勤

聖師前長對人等公休並命共具此等悲喜
輒並必當盡率中并皆對人開發靈龜亦
腹曾去知漢中對夫相以新不可思精熱
真奉資皇國又十曾對資以聖雲集日色華
實為希有莫其心大曾對對日日念念
觀國觀寺之四十六八一日日出參差對對

行道度人天下勅

大業三年正月二十八日菩薩戒弟子皇帝總
持稽首和南十方一切諸佛十方一切尊法十
方一切賢聖僧竊以妙靈不測感報之理遂通
因果相資機應之徒無爽是以初心爰發震動
波旬之宮一念所臻咫尺道場之地雖則聚沙
蓋鮮實覆簣於耆山水滴已微乃濫觴於法海
弟子階緣宿植嗣膺寶命臨御區宇寧濟蒼生
而德化弗弘刑罰未止萬方有罪寔當憂責百

姓不足用增塵累夙夜戰兢如臨淵谷是以歸
心種覺必冀慈愍謹於率土之內建立勝緣州
別請僧七日行道仍總度一千人出家以此功
德並爲一切上及有頂下至無間蜎飛蠕動預
稟識性無始惡業今生罪垢藉此善緣皆得清
淨三塗地獄六趣怨親同至菩提一時作佛

璽書

降來護兒璽書

公旋師之時是朕勅公之日君臣意合遠同符
契梟此元惡期在不遙勒名太常非公而誰也

考一及有頃下

笑皇此示惡謀亦不幾備各太嘗表公而編此

公謝禮之相長想陳公之日香月意合盡同符

率來燕良聖書

聖書

答突厥啓民聖書

磧北未靜猶須征戰但使好心孝順何必改變衣服也

啓民上表附

已前聖人先帝莫緣可汗存在之日憐臣賜臣安義公主種種無少短臣種未爲聖人先帝憐養臣兄弟妬惡相共殺臣臣當時無處去向上看只見天下看只見地實憶聖人先帝言語投命去來聖人先帝見臣大憐臣死

命養活勝於往前遣臣作大可汗坐者也其
突厥百姓死者以外還聚作百姓也至尊今
還如聖人先帝提天下四方坐也還養活臣
及突厥百姓實無少短臣今憶想聖人及至
尊養活事具奏不可盡並至尊聖心裏在臣
今非是舊日邊地突厥可汗臣卽是至尊臣
民至尊憐臣時乞依大國照餽法用一同華
夏臣今率部落敢以上聞伏願天慈不違所
請

檄

遺陳尚書江總檄

南北雖殊風雲在望載懷虛遲寤寐爲勞獻歲
猶寒比當清豫匡贊乎國良亦慇懃寡人忝膺
朝寄董律專征跋涉山川今次江際公等文儒
自立器用適時冠蓋二世齒德兼重孔老殊教
名墨異家金匱珠韜銀編玉策莫不膳於舌抄
散在筆端邃古成敗之機近代安危之跡照同
懸鏡明若觀火無待指南自應神悟猶恐思之

未審差以毫厘聊煩翰墨畧申梗概自穹昊生
民樹之司牧義軒以降書契可紀咸一姓承立
四海無兩帝漢道云季三方鼎立時惟版蕩世
匪休明當塗起而蜀亾典午興而吳滅永嘉
喪亂紫宸曠主劉石符姚之儔僞夏僭燕之醜
妄塵大寶事乖圖籙魏室乘時兆基朔野經始
嵩洛未暇江湖有周受命敵非齊氏務在兼并
不遑外畧崑崙吳越自相君長竊擬王者之儀
妄談天子之氣偷安假息綿歷世祀我大隋之

肇開寶祚光有神州皇帝感曜魄之靈應太微
之座千年啓聖萬代一時深仁至德寧濟羣品
越海窮河東漸西被旄頭之屬歷代之霸作我
臣民匍匐服裳惟彼江表獨隔皇風夫物極則
反否終斯泰郭璞有云年經三百天下大同茲
實玄運已定於前聖主膺期而出欲以區區之
陳國違上天之冥數其不可存者一也大必包
小天地之常規明能通暗日月之常理論道德
以唐陶而征有苗語衆寡舉海內而當羣小在

長江舟楫之用矜其積習而山川共有我據上
游鼓棹之能吳楚不異高艫巨舫東西萬里扼
喉撫背水陸千途彼之兵士不過十萬首尾分
布所在危急加以屯戍邊方淹積歲序風雨以
爲擲沐蟣虱生於甲冑望我寬仁思倒戈戟通
在戎行更成敵國守以時月則魚爛土崩接以
鋒刃則鳥驚鹿走理在必然不假救卞此不可
存者二也豐侯好酒實喪厥邦梁伯後民潰其
宗社彼之僞主覆車是鑿日夜沈湎曾無節度
繕造宮室莫知窮已竭四民之產荒縱其心歛
百姓之哀以爲已樂寶衣玉食填積後宮短褐
麤餽不克編戶一芥之善蔑爾無聞五子之歌
宛然悉備雖欲勿喪其可得乎此不可存者三
也僞主忌能護短酷法淫刑骨鯁之臣盡見踈
斥諫諍之士皆被屠害遐邇結舌衣冠解體人
妖鬼怪觸類呈灾稚齒耆年咸知殘滅此不可
存者四也以此小邦攝於大國邊烽夜動照彼
都城戍鼓晨嚴震其宮殿累棊十二方此未危

懸縷千鈞比斯非切而莫知憂恐更自驕矜曾
 無事大之心專行犯上之志侵軼我邊鄙招納
 我叛亾國家爰自受命每從含養敦以鄰睦申
 其聘好冀能守彼宗祊靜其疆域而長惡益甚
 縱毒彌深吳會雄俊之人湘郢耿介之士乞師
 請命盈庭滿闕帝乃憫然矜彼黎獻授鉞推轂
 弔民伐罪已有別詔惟廢偽主之身自餘士庶
 普從肆眚向所陳說咸是格言非曰游談共相
 欺誤且劉叔納譙周之計而獲存孫皓用薛瑩
 之詞而致福此二子者終有良臣之譽皆無陷
 君之譏何則所耻者小所存者大若憲章往彥
 聿遵前軌則爲主享封侯之業祖禰延血食之
 期江東士民寔受其賜公等身保榮貴名垂竹
 帛豈不美歟若膠柱不移守迷莫變率其蟻衆
 敢拒王師軍有常刑悔無及矣禍成俄頃宜早
 圖之使人今還遲有委曲言不盡意豈復多云
 楊廣白

圖之入今

如軍王相軍

不美煥

東士男

前婢

而

令

與天台山眾令

仁壽元年正月末嘉僧法曉生聞智者勝
 德特至龕所旋繞千拜一夕龕戶自開光
 照林木眾其瞻禮又張造者年邁足廢登
 龕拜祝願得度脫忽聞龕中應聲及以彈
 指灌頂等啓聞
 皇太子與書

僧使灌頂智瑛至覽十一月三日書并陳靈龕

應迹顯形放光彈指流音應念傳響斯實不思

議力變化多方感悟有緣示希有事慎終追遠

感歎相深在昔雙林示滅非滅多寶獨塔俟時

涌現爰在狼迹迦葉分身乃至鷲山迦文留影
眉毫散彩指端震室豈非像教能度無邊是大
因緣聞善知識永惟宿昔獲承師範德音盈耳
神光在日方憑靈瑞係踵菩提肅承靈誥宣慰
南服山衆法徒同志爲友會成等侶方共舟航
歲暮凝寒念皆道勝天台名嶽海岫所推修建
大林多慙重閣三時設供四事不周想甘禪悅
以同法喜其間敬德信次相聞今遣員外散騎
侍郎張乾威送僧使還山于舊所設供庶同甘

露能變麓澁亦憑香積證道融銷書不盡言反

此無悉楊廣和南僧使灌頂等所領今施物目
仁壽元年十二月十七日

白石香爐一具并香合三枚大銅鐘一口鷄納
袈裟一領鷄納褊袒二領四十九尺幡七口黃
襪裙一腰氈二百領絲布祇支二領小幡一百
口和香二合胡桃一籠衣物三百段奈麩一合
石鹽一合
酥六餅

天台山衆謝啓附

天台寺故智者弟子沙門智越一衆啓使者
兼通事舍人張乾威至謹領前件物等並皆
完淨仍卽陳羅先師舍利龕前具宣來令并

唱施物又千僧法齋伏惟弘護殷勤慈澤周
至香爐微妙天匠莊嚴洪鐘和雅震集凡聖
勝旛舒旆疑懸梵宮酥妙鹽桃請同香積法
衣淨飾無著離塵氎物豐多驚眩視聽千僧
雲集布滿山庭爰降王人光顯林谷奉對靈
龕必通神攝受標擬衆聖冀願海莊嚴越等
凡微謬當恩沐慈潤重沓難可克勝合衆虔
虔如履冰刃不任戴荷之至謹啓謝聞謹啓

仁壽二年
正月六日

重令

灌頂智瓌等至在寺衆來書財施爲輕法門標
重檀波羅密般若尊成不具兩緣寧俱解脫施

受咸共忘言理至迹指寧復辭沸楊廣和南

子王弘宣令施天台物目 飛龍綾法衣一百
六十領幡一百五十張光明鹽一石酥五餅

天台山衆謝啓附

天台寺故智者弟子沙門智越一衆啓慈澤
隆重喜捨頻煩僧使後還復垂恩賚雜彩勝
幡莊嚴殿宇綾羅法服光洽衆僧猫酥五餅

內煥齋集 卷之八 四
一五
克身去患光明一斛藥食兼濃越等山野糞
掃分衛今則被服溫華食味珍甘不自度量
彌增戰懼不任敬悚謹啓謝聞謹啓
仁壽二年四月

十五日



